

遺山文集

二之四

子言古詩  
七言古詩

庫	文	閣	內
三四函	三五二	漢	書
架	冊	號	類

庫	文	閣	內
三六函	三五二	漢	書
架	冊	號	類

內閣文庫			
番號	漢	3521	
冊數	12 ( 2 )		
函號	316	3 $\frac{1}{4}$	

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak








遺山先生文集卷第二

五言古詩

萬化如大路



萬化如大路物我適相遭往來限隣屋夢寐但同  
抱斷金幾何人年運劇銷膏相歡顧不足爾戈奚  
暇操古來太山名達觀等秋毫蠻觸徒能國螺贏

竟誰豪曠蕩覽八紘美惡自為曹造物無巧繹大  
塊有并包暴公今在亡轉燐起蓬蒿孤心既悄悄  
衆口益嗷嗷同塵寧當悔枉已乃為勞鹿門有高  
躅世網儻能逃





曉發石門渡湍水道中 水經音專

踈星澹秋明陰霞絢朝映積雨成坐愁晨光動幽  
興石門歸馭引湍浦漁刀竝曠蕩萬景新歸蔽四  
山靜平湖風漪緣遠岸秋沙淨洋洋遊儵逝汎汎  
輕鷗泳隱顯乖夙心感寓見真性倦遊徒自悼違  
已將安竟憂端從中來茫茫發孤詠

放言

韓非死孤憤虞卿著窮愁長沙一湘纍郊島兩詩  
囚人生定能幾肺肝日相讎井蛙奚足論禪虱良  
足羞正有一朝樂不償百年憂古來帝王師或從

赤松游大笑人間世起滅真浮漚曾是萬戶封不  
博一棹頭有來且當避未至吾何求悠悠復悠悠  
大川日東流紅顏不暇惜素髮忽已稠我欲升嵩  
高揮杯勸浮丘因之兩黃鵠浩蕩觀齊列

李道人崧陽歸隱圖

北山范寬筆老硬無妍姿南山小平遠澹若常郎  
詩崧陽古僊村佳處我所知長林連玉華細路入  
清微連延百餘家柴門水之湄桑麻蔽朝日鷄犬  
通垣籬媿我出山來京塵滿山衣春風四十日夢  
與孤雲飛可笑李山人嗜好世所稀逢人覓詩句



不恤怒與譏道人本無事何苦塵中為京師不易  
居我癡君更癡山中酒應熟幾日是歸期

黃公廟

羈客無恒居六月走長路清風黃公祠地古飲所  
遇劍飛素靈哭龍躍雲雨赴堂堂文成君談笑取  
帝傳功名要有命陰相果何預誰謂地上人異事  
驚竹素河清不可俟筋力疲世故袖間一編書塵  
埃嘆遲暮

學東坡移居八首

廢地三畝餘十年長蒿菜瓦礫雜糞壤白骨深蒼

苔孤客無所投即此營茅齋墾斲豈不苦寢處亦  
可懷辱身賤者事寧當惜筋骸伐木荒林中運甓  
古城隈辛勤八十日吾事乃得諧買宅必萬錢一  
錢不天來今晨見此屋一笑心顏開

誰謂我屋寬寢處無後餘誰謂我屋小十口得安  
居南榮坐諸郎課誦所依於西除著僮僕休休得  
自如老我於其間兀兀窮朝晡起立足欠伸纏卧  
可展舒牕明火焙煖似欲忘囚拘屋前有隙地客  
舍不可無花欄及菜圃次第當耘鋤東野載家具  
家具少於車我貧不全貧尚有百本書



故書堆滿床故物貯滿箱  
渾渾商寶南繫纍漢銅  
章杖飾昭敬恭嚴卯訶瘴  
剛雷文繞杖節獸面出  
佩瑛私印刻王尊玉斗蛟  
龍翔逸少留半紙魚網  
非硬黃亦有曇首帖不辨  
作鴈行雪景睿思物宜  
政舊所藏晉公古漁父浩  
歌濯滄浪因觀宮騎圖  
卧馳識提囊谿石含餘潤  
奚墨凝幽香南榮桂風  
嚮雲裾珮鏘鏘鏡皆先秦  
書八字環中央讀之二  
嘆息此日何時光

壬辰困重園金粟論升句  
明年出青城瞑目就束  
縛毫釐脫鬼手攘臂留空  
橐聊城千里外狼狽何

所託諸公頗相念餘粒分  
鳧鶴得損不相償抔土  
埴巨壑一冬不製衣繒纊  
如紙薄一日僅兩食強  
半雜藜藿不羞蓬累行粗  
識瓢飲樂敵貧如敵寇  
自信頗亦憇兒啼飯蘿空  
堅陣爲屢却滄溟浮一  
葉渺不見止泊五窮果何  
神爲戲乃爾曹  
舊隱嵩山陽笋蕨豐餽餉  
新齋浙江曲山水窮放  
浪乾坤兩茅舍氣壓華屋  
上一從陵谷變歸顧無  
復望樵漁憶還徃風土夢  
闕曠恍如悟前身姓改  
心不忘去年住佛屋盡室  
寄尋丈今年僦民居卧  
塌礙盆盎靜言尋禍本正  
坐一出妄青山不能隱



俛首入羈鞅巢傾卵隨覆身在顏亦強空悲龍髯  
絕永負魚腹葬置錐良有餘終身志懲創  
國史經喪亂天幸有所歸但恨後十年時事無人  
知廢興屬之天事豈盡乖違傳聞入讎敵祇以興  
罵譏老臣與存亡高賢死兵饑身死名亦滅義士  
爲傷悲哀哀淮西城萬夫甘伏尸田橫巨擘耳猶  
爲談者資我作南冠錄一語不敢私裨官雜家流  
國風賤婦詩成書有作者起本良在茲朝我何所  
營暮我何所思胸中有茹噎欲得快吐之濕薪烟  
滿眼破硯水生髭造物留此筆吾貧復何辭

東坡謫黃州符藥行江湖荒田拾瓦礫賤役分僮  
奴我讀移居篇感極爲悲歐九原如可作從公把  
犁鉏我貧公亦貧賦分無賢愚論人雖甚媿詩亦  
豈不如

此州多寓士論年悉眉隨風波同一舟奚必骨肉  
爲倪家蓮華白每釀必見貽李昌妙琴事足以相  
娛嬉郭侯家多書篇帙得徧窺趙子篤於學間以  
問所疑王生舊隣舍窮達心不移千里訪存歿十  
口分寒饑獨有仲通甫天馬不可羈直以論詩文  
稍稍窺藩籬永懷王與李朔漠行當歸書來聞吉



語報我脫繫維慚非一狐腋不直五段皮我作野  
史亭日與諸君期相從一笑樂來事無庸知

歷下亭懷古分韻得南字

東秦富佳境北渚擅名談茲游亦已久纔得了二  
三南山壓城頭十里奎與函湫流出地底城隅滿  
泓潭金絲弄晴光玉玦響空嵌清漣通畫舫秀水  
深雲龕華峯水中央鬱鬱堆烟嵐荷華望不極綠  
淨紛紅酣毒熱非山陽早濕無江南承平十萬戶  
他列隔仙凡劫火土一丘樹老草不艾巧盡露天  
質到眼皆竒探千年歷下亭規摹見覃覃懷賢成

獨詠勝賞何由叅

舜泉效遠祖道州府君體

重華初側陋掌耕歷山田至今歷下城有此東西  
泉喪亂二十載祠宇爲灰煙兩泉廢不治漸著  
瓦礫填蛙跳平聚浮沫羊飲留餘糴我行歷荒基  
涕下何漣漣舜不一井疵下者何有焉帝切福萬  
世帝澤潤八埏要與天地竝寧待一水傳其棠思  
邵伯自是古所然我欲操畚鍤浚水及其原再令  
泥濁地一變清冷淵青石壘四周千祀牢且堅石  
渠激清溜日聽薰風絃便爲泉上叟杯歡終殘年



與張仲傑郎中論文

文章出苦心誰以苦心為正有苦心人舉世幾人  
知工文與工詩大似國手碁國手雖漫應一着存  
一機不從着着看平何異管中窺文湏字字作亦  
要字字讀咀嚼有餘味百過良未足功夫到方圓  
言語通眷屬只許曠與夔聞絃知雅曲今人誦文  
字十行誇一日闕顛失香臭替視紛綵綠毫釐不  
相照覲面楚與蜀莫訝荆山前時聞則人哭

濟南廟中古檜同叔能賦

亭亭祠宮檜鬱鬱上雲雨扶幾來年造物心獨持

苦青餘玉川潤根入鐵岸古錐含棟梁姿斤斧安  
得取流狀地中久駭浪思一鼓天柱屹不移水國  
奠平土乾坤此神物甲乙存世譜瀨鄉留耳孫關  
里傳鼻祖秦松徒自汗蜀柏聊共數會待十抱成  
茲焉重摩拊

銅鞮次村道中

山逕一何惡一澗復一嶺昂頭一握天放脚百丈  
井武鄉有便道故繞銅鞮境涉險良獨難又復觸  
隆景羸驂蹄已穴怨僕氣將癯與世恒背馳用力  
何自省河汾紹絕業凝信紛莫整銘石出壙中昧



者宜少警少時曾一讀過眼不再省南北二十年  
夢寐猶耿耿喻如萬里別燈火得對影行役豈不  
勞聊當忍俄頃

蕭齋并引

故民部長陵蕭公泰和大安之間名德雅望朝  
臣無出其右其為太原道漕使時不肖方廁諸  
生間顧掌一望眉宇以為甚幸然亦以齒少且  
賤不得與橫經之末而為恨也北渡後居陽平  
見關中人邢公達談公平生徃徃色揚而神躍  
問之知其為公夫人之猶子也蓋公達之先人

於公恩義良厚而公所以報之者為甚力公達  
初仕部掾年甫三十遂為列上佐出入臺閣者  
二十年雖其材致然亦籍公為之司命耳予雅  
知公達之敬公也凡欲聞公之故則就訪之公  
達所居之屋乞名於予因以蕭齋目之且為之  
說云士之生世有一鄉之士有天下之士有一  
人之所私慕有天下之所共稱分限所在不能  
以強人而人亦不得而強之也惟公承王公餘  
烈弈葉台鼎世譜完具與當陽杜氏相上下故  
言氏族者推其貴出入經史優柔饜飫發擿祕



與不減前輩蔡無可故言討論者服其博奏謝  
疑獄致力忠愛一言之仁利及永久故言斷獄  
者歸其平疆禦不奪其操公相不易其介幅巾  
鄉社坐鎮頽俗故言進退者推其高蓋天下所  
共稱非一人之私慕高山仰止其誰曰不然古  
人有愛蕭子雲筆札者得蕭之一字遂以名所  
居况於其所天平因爲詩以貽公達有好賢如  
緇衣者請爲同賦焉

十年金門客一日蓬蒿人煙煤兩椽屋因公名字  
新昔公無恙時四海望經綸敦龐一古儒風來自

名臣人亡典刑在百世留清塵師尊世共然况予  
夙所親愛公入夢想遙迤見垂紳教兒多讀書公  
言諒諄諄他時門戶改亦唯公所姻我冀望公顏  
道左避朱輪至今誦其詩喜色爲津津歸秦如未  
老會買東家隣

別李周御三首

行路澁於棘單車望千山歌君歸雲曲清涕留餘  
潛六年河朔州動輒得謗訕唯君篤高義日來款  
柴關古交松柏心今交桃李顏古人去不返古道  
挽不還相思一樽酒幽恨寄山間



風雅久不作日覺元氣死詩中柱天手功自斷鰲  
始古詩十九首建安六七子中間陶與謝下逮常  
柳止詩人玉為骨往往墮塵滓衣冠語俳優正可  
作婢使望君清廟瑟一洗箏笛耳  
城居日蛙黽局促彼局促去作山中客放浪誰檢  
束溪光淡於水山骨淨如玉懷我同心人團茅住  
深竹垂綸鮮可食種秫酒亦足石壇三萬丈醉眼  
天一粟安得萬里風相從兩黃鵠  
周卿學有淵源  
東州詩人未見  
其比與予約西  
游如詩中所說

訓韓德華送歸之作

良朋滿東州歲月見忠悃韓侯晚相值意氣尤懇  
懇我嘗相斯人趣向識端本立節柏有心樹德蘭  
在畹官榮睨不顧寄興浮雲巘今世走名場旗旆  
幾仆偃賤子本無取玉趾渠往返昨聞遂歸養見  
謂竹林阮暑涂三百里追送不憚遠觀君木訥姿  
百念為日損顧方慙衣綯又被以華袞桑榆償可  
收歲事在樵菴里門眼中見歸袖勞重挽鷄黍先  
有期升堂未言晚  
渠猶類然

戊戌十月山陽雨夜二首

朔吹作還止雲意鬱以周十月雷收聲陽和自油



油此雨非舊雨春旱歷夏秋道路土三尺今朝見  
浮漚三城信樂土凶年未消憂一蝗食禾盡半菽  
不易求流民四方來斷港魚蝦稠忍死待一麥秋  
種且未投乾溢誰所司零壇徧九州醉飽到狐鬼  
巫覡自懷羞帝命制江湖野語良悠悠龍公爲汝  
賀桑榆定可收

霏霏散浮煙靄靄集微坌出門望白塔但覺襟袖  
潤繁聲忽赴即細點彼成陣夕渴宜未馱平已作  
寧小靳山陽冬候煖麥脚易滋分去土膏入滲漉  
破粒容可趁此邦信可樂風土同一晉單車我東

來塵土滿歸鬢累糧失先具閉糴困餘吞今朝人  
事改一雨開百頃僧窓晚色淨喜極夢爲盡枕上  
一詩成燈花落紅燼

看山

慘慘悲去國鬱鬱賦卜居不采西山薇即當葬江  
魚今日忽有得蕩如脫囚拘青山坐終日忘讀梅  
上書臯壤與山林使我欣然歟我身天地間託宿  
真蘧廬無窮閱有限萬期亦須更坎止及流行何  
計疾與徐百年險與夷又似萬里途良馭馳康莊  
九折亦摧車必惟易之就遇險當何如化化復生



生體異理不殊鷺非浴而白鳥豈黔而烏誰續長  
跽鶴誰截短足鳧孔墨不煖席盜跖華堂居公車  
困方朔太倉飽侏儒杜子露雙肘朝叅出無驢軟  
裘與快馬照耀輿臺軀天隨隱笠澤杞菊供盤盂  
擊鮮日爲具大嚼皆屠沽乖逢自乖逢賦分無賢愚  
作計窮一我造物良區區嚮也憂不足乃今樂有餘

九日讀書山用陶詩露漙暄風息氣清

天曠明爲韻賦十詩

行帳適南下居人跼庭戶城中盪青山一水不易  
渡今朝川涂靜偶得展衰步蕩如脫囚拘廣莫開

四顧半生無根著筋力疲世故大似丁令威歸來  
歎墟墓鄉閭喪亂久觸目異平素扮榆雖尚存歲  
晏多霜露

今日復何日霜氣倏已淒登高有佳招山中古招  
提翩翩劉公子王田重相携乾坤動詩興澗壑忘  
攀躋霍侯家甚貧劣有酒與鷄城居馱輦鼓移家  
此幽棲世網不易逃所向皆塵泥何以濯我纓林  
間有清溪

山腰抱佛刹十里望家園亦有野人居層崖映柴  
門昔我東岩君曾此避塵喧林泉留杖屨歲月歸



琴樽翁今爲飛仙過眼幾寒暄蒼蒼池上柳青衫  
見諸孫踈燈照茅屋新月入頽垣二句先  
人詩一依依覽陳  
迹惻愴不能言

霜氣一匣薄杳杳秋山空臨高望煙樹黃落雜青  
紅造物故豪縱窮秋變春容錦障三百里不盡臺  
山東粲粲黃金華羅生蒿艾叢野人不知貴幽香  
散秋風秋物自橫陳願揖若不供誰能搗醉筆吐  
句凌清雄

宇宙有此山閱世過鳥疾何人不此遊名姓寧復  
識茲辰世所重前代多盛集柴桑有故事二謝留

俊筆併數孟與桓此外誰記憶人生百年內踏地  
皆種迹獨惟我輩人興懷念今昔山林與草壤自  
古長太息

賞心古難并暮景日易費故人成此游尊酒重相  
慰新詩互疇唱清談見滋味鱸鯁方偃蹇龜鼉共  
騰沸懸險劇褻斜清渾雜涇渭爭教十圍腹滿貯  
憂與畏情親到真率寧復轉喉諱鄭重伯雅生藉  
汝聊吐氣

往年在南都閑閑主文衡九日登吹臺追隨盡名  
卿酒酣公賦詩揮灑筆不停蛟龍起庭戶破壁春



雷夷堂堂髯御史痛飲益精明亦有李與王玉樹  
含秋清我時最後來四座頗爲傾今朝念存敗壯  
心徒自驚

我在正大初作吏浙江邊山城官事少日放浙江  
船菊潭秋華滿紫稻釀寒泉并腴入小苦幽光出  
清妍歸路踏明月醉袖風翩翩父老速我留謂我  
欲登僊一別半山亭回頭餘十年江山不可越日  
斷西南天

吾山一何高清凉屹相望龍頭出白塔佛屋壓青  
嶂雲光見秋半旭日發毫相峩峩寶樓閣金界儼

龍象鄉曲二十年香火闕瞻向金花香綿草夢想  
雲雨上福田行欲近重爲詩酒障終當陟層顛放  
眼天宇曠

紫微老仙伯少日見承平甲子五百餘雙瞳益清  
明披莊不盈尺脩然澹無營庭柯挂秋蔬老樹風  
冷冷我有年德尊公深鄉曲情思得菊潭酒為公  
制頽齡作詩語同游明年復尋盟看翁九節杖翩  
翩上崢嶸

留月軒

丈室何所有琴一書數冊花竹結四隣繁陰散芳



澤閑門無車馬明月即佳客三人成邂逅人彼得  
驢伯驢伯屬我歌蟾兔爲動色商聲隱金石桂樹  
風索索乾坤月與我光滅即生魄元精貫當中寧  
有天壤隔邠君尚奚待言論累數百多談令人厭  
坐聒驚墮憤一笑鷄未鳴虛窓自生白

梨花海棠二首

梨花如靜女寂寞出春暮春工惜天真玉頰洗風  
露素月澹相映蕭然見風度恨無塵外人爲續雪  
香句孤芳忌太潔莫遣凡卉妬  
妍花紅粉粧意態工媚嫵窈窕春風前霞衣欲輕

舉金繁渺華屋國艷徒自許依依如有意脉脉不  
得語詩人太冷落愁絕殘春雨

趙吉甫西園

園名  
種德

王城比民居近市無閑田閑田八九畝乃在城西  
偏久矣瓦礫場莽爲狐兔阡高人一留顧老木生  
雲烟築屋臨清流開窓見西山人境偶相值遂無  
城市喧趙侯嗜讀書兀坐守遺編性情入吟詠古  
澹無妖妍酸醜與世殊至味久乃全我作別墅詩  
請爲子孫傳耕耘有定業歎豐屬之天寧作鹵莽  
兒袖手待逢年汲古先有齋種德今有園期君在



晚歲無庸計目前

臨汾李氏任運堂二首

并序

彦仁從軍久厭於事物之累念欲脫去  
之而不可得也故嘗鬱鬱不自聊求予  
發藥之予名其居曰任運堂且為賦詩  
官職有何好凜凜蹈危機車塵及馬足捧手仍佞  
眉棄去何足道無從脫繫維不如聽其然歲晚儻  
可期此心未馴初養虎時飽飢一為金石止坐閱  
萬物馳汨泥揚其波哺糟醲其醕漁父我所學靈  
均竟奚為上堂壽慈親兄弟如填篋救水足致樂

况有耳與肥人生天地間長路有險夷遇險即欲

避安得皆通達君家北山翁百世留清規樂天而

知命行矣君何疑

北山翁彦仁之伯祖泰和間以高道提點天  
長晉公贈詩有百世清規之語故及之

履危恨無機避禍欣有策後慮徒自密前路寧汝

測七戰歿牖下坐談得刺客周身容孔智伐樹不

采厄九折怯乘險瘴海悲遠謫就令家長安獨不

死牀簀人生多憂畏年壽幾至百惴惴首尾間天

宇坐成窄重泉青雲梯平地黃土陌乖逢有定在

拙計徒巧擇行樂當及時莫待頭雪白

黃土陌見初  
學記奴僕門

題張左丞家范寬秋山橫幅



層崖闕長陰細逕緣絕巘梯雲攔千峻廓廓清眺  
展斜陽半天赤飛鳥大江遠清霜張秋氣草樹生  
意剪風雷斫堅敵旗旆紛仆偃崢嶸峯巒出莽蒼  
林薄晚盤盤范家筆老懷寄高蹇經營入慘澹得  
處乃蕭散蒿丘動歸興突兀青在眼何時卧雲身  
團茅遂踈嬾

宿張靖田家

地屬壽陽

川涂盡坡陀嶺路入荒梗微茫望煙火向背得廬  
井殘民安朴陋倦客喜幽屏兒童聞叩扉租吏有  
餘警雨崖紛蕞薄砂石立頑犇湍流落空歎百折

不容騁山深饒風露夜氣淒以耿園花澹相望邊  
月空照影深居苦不早素髮忽垂領誰謂林野人  
茲焉惜清景

曲阜紀行十首

荒城卧魯甸寒日澹平蕪千年素王宮突兀此城  
隅我肯入小學首讀仲尼居百讀百不曉但有嗜  
成珠少長授魯論稍與義理俱攝齊念外堂壞壁  
想藏書翩翩七十子佩服見舒徐慨然望闕里日  
思膏吾車五原東北晉因循迫桑榆今日復何日  
南冠預庭趨隱隱金石殷恍如夢清都備哉神明



觀欣幸當何如

殿屋劫火餘瓦礫埋荒基入門拜壇下儼然想光  
儀憶當講授初佩服何逶迤登降幾何人鸞鳳相  
追隨千年仰階級天險不可躋文杏誰此栽世世  
傳清規植根得所託在木將何知

堂堂魯三檜培植出天巧規摹欲十抱竒秀供百  
繞誰言甲戌亂煨燼入炎燎青煙于雲上群鶴空  
自矯哀哀嶧陽人腸肺痛如攪魯郊木何限名取  
唯一少神明信扶持厄運豈易曉雩臺滿荒榛達  
宮餘曲沼紛紛闕成壞何異晏與早道存有汗隆

物齊無壽夭霜皮眼中見鬱鬱自塵表君看太山  
石萬古青未了

陋巷陋復陋老屋在人境門前軒蓋多閉戶自幽  
屏近郊無百畝負郭纔半頃饘粥聊自供取足唯  
一井此井閱千歲清節傳箕穎尚想瓢飲初至味  
久益永德邾與周旋聖域容造請貧中有此樂日  
暮獨何炳泓然窺古甃一句試耳冷上池果能神  
轉盼得深省塵竟何有素髮忽垂領共學誰我埃  
容從之抱脩綆

泮宮何所有舞雩但荒臺泮水涸已久北風捲黃



埃頤瞻魯公宮感極令人哀獻馘亦盛事規摹到  
平淮作計萬萬古而今安在哉獨愛鼓琴翁不與  
三子偕宗周方訖錄聖師猶卷懷但欲春服成風  
乎詠歸來我亦淡蕩人涉世寡所諧浴沂行有日  
一笑心顏開  
大姦何所如猥偷雄且猛雖然弭耳伏擇內會一  
騁卯也不敗露名與聖師竝天刑竟莫逃不待七  
日頃曹瞞盜漢壘僅得保腰領與卯均小人脫網  
乃差幸小偷學不至適足污鍤鼎不從市朝肆必  
就遠方屏兩觀餘坡陀萬世示頑獷神兵懍可怖

過者宜少儆

不見講堂處指似存世譜遺基洙泗間荒惡餘十  
畝聖師既已老自衛歸在魯正樂脩六經卒業此  
其所當時秀路室完整逮建武太僕忠且壯持用  
方禦侮如何唐盛日一廢不重舉中和天地位寧  
復俟庭廡所嗟世道衰師授日莽鹵空餘千歲并

黑照終白

白塔表佛屋萬瓦青粼粼何年勝果寺西與姬公  
鄰塔廟恣汝爲豈合魯城闔魯人惑異教吾道宜  
湮淪許行學神農耒耜手自親當時子孟子直以



爲匪民况彼桑門家糞壤待其身一朝斷生化萬  
國隨荆榛孟氏非所期安得揚與荀丹青贊神化  
舊染爲一新坐令鍾魚地再睹邊豆陳吾謀未及  
用勿謂秦無人

天地有至文六籍留聖謨聖師極善誘小智祇自  
愚文章何物技不直咳唾餘操戈競虛名望塵拜  
高車所得不毫髮咎責滿八區公論懸日星豈直  
小人儒喻彼失相者悵不知所如指南一授嚮聖  
門有脩途陽光照薄暮尚堪補東隅悠哉發深省  
洒掃今其初

林墓連魯城方廣十里間林間百草具棘刺死不  
蕃措槐作橫理青青閱千年懷人成一慨何止召  
公賢博陵石翁媪名字無留鐫兩獸墓前物歲久  
乃訛傳昨我游魯門規作孔林篇聖人與天大聖  
道難爲言所見不一記來者何述焉詩成私自媿  
小子良斐然

寶嚴紀行

陰崖轉清深秋老木堅瘦城居望已遠步覺脫氛  
垢寶嚴夙所愛丈室方再叩曛黑纔入門徑就石  
泉漱遙遙金門寺寶焰出岩竇我豈無盡公昔見



今乃又同來二三子寢飯故相就况有杜紫微琴  
筑終雅奏矐矐上初日深樾烟穿漏逶迤陟兩巘  
萬里若迎候絕壁三面開仰看勞引脰兩山老突  
兀屹立柱圓覆諸峯出頭角隨起隨偃仆不可無  
煙霞朝暮為先後橫亘連巨鰲飛墮集靈鷲九華  
與竒巧五老失渾厚想當位置初遂欲雄宇宙太  
行有硤谷勝絕無出右大似塵外人眉罕見高秀  
哀湍下絕壑電擊龍怒鬪崩奔翻雪窖坐滑瀉瓊  
甃窮源得懸流偉觀駭初邁僊人寶樓閣白雨散  
簷溜天孫拂機絲素錦絢清晝永懷登高賦意匹

困馳驟寤於游暴秦百說不一售林間太古石稍  
復杯飲舊已約銘窪尊細鑿留篆籀茲山緣未了  
僧夏容宿留終當丐餘年竒探盡雲岫

鴈門道中書所見

金城留旬浹兀兀醉歌舞出門覽民風慘慘愁肺  
腑去年夏秋旱七月黍穢吐一昔營幕來天朔但  
平土調度急星火逋負迫捶楚網羅方高懸樂國  
果何所食禾有百膳擇肉非一虎呼天天不聞感  
諷復何補單衣者誰子販糴就南府傾身營一飽  
豈樂遠服賈盤盤鴈門道雪澗深以阻半嶺逢驅



車人牛一何苦

岳祠齋宮夜宿

煌煌德寧宮望秩年祀永唐來幾焚蕩規制仍峻  
整龍旂嚴座金罽散光烟嶽拜行且周備觀竊  
欣幸青紅留壞壁兵衛自馳騁木杪見龜趺雄筆  
映鐘鼎中和昔喪亂已溺寧再極有來鴈門公赤  
手探虎鯁經營入慘澹灑落出鋒穎凶豎竟自摧  
神鑒益彪炳青山閱人代今古一炊頃摩挲盤根  
槐甲子誰記省謁來石門道煙岫接雲嶺霄漢瞻  
上階濃碧插秋影青林雨聲集懸瀑激奔猛森然  
心魄動冰雪淒以耿飄颻想僊袂飛下玉蓮井昨  
夢知是非復此造真境妙香淨餘習灑氣發新警  
鶴書來何遲素髮迫垂領玄壇展袞步似欲逐幽  
屏高柯月紛紛裴回惜清景

示程孫四首

并州望南宮東南千里餘六年念兒女鬱鬱心不  
舒程孫問安否一月兩寄書老我倦出門况是涉  
畏途鞍馬二十日面色爲焦枯白兄應見笑此行  
亦區區

吾女在吾家先以安卑弱雖然適貴門一味并儉



薄財廉出仁讓語省見端慙婦道化一州母女皆  
願學別人聞我至相與喜且愕謂我六十翁齒髮  
未衰落擊鮮日爲具和氣動城郭爲說婿女賢宅  
相知有託乃公私有賀一月醉杯杓生女四十年  
今有爲父樂

直孫年志學玉立無纖瑕簡孫甫勝衣芳蘭茁其  
芽粲彩翠翔鸞雛映朝霞諸孫獻公壽喜極復粲  
長嗟吾母河南君閨門靜無譁殷勤教女孫乃今  
成汝家老我何足道外舍儘得誇

會聚樂不貲言別悽以惻風雲動老懷車馬見行  
色明年吾六十家事斷關白唯當近酒醖亦復拋  
書冊提携兩童子歎段或下澤玉雪念吾孫未覺  
千里隔乘輿徑一來髯婿當速客

九月初霖雨中感寒痺作

留飲工作崇臂股半風淫風淫喜陽景旬浹坐秋  
霖兒寒益跳梁衰暮苦難任病枕怯遙夜破窓風  
露深兩年魏大名千門嚮霜碓客行足繒纊家居  
但踈衾絢絲不易得候蟲徒自吟無衣思南州傷  
哉非獨今

同白兄賦餅中玉簪



畏景衆芳歇仙葩此夷猶冰姿出新沐娟娟倚清  
秋昨夢今見之風鬟玉搔頭誰言閨房秀高情渺  
林丘碧筵古銅壺一室香四周懷人成獨詠遠思  
徒悠悠

野史亭兩夜感興

私錄關赴告求野或有取秋兎一寸毫盡力不易  
舉衰遲私自惜憂畏當誰語展轉天未明幽窓響  
踈雨

哭延孫

兒生去年冬閭里日相慶今年迫周晬疹痘俱已

竟爛班綴錦衫未與玉雪稱它相望此孫惜愛均  
氣命一宵誰奪去遽有亡辜橫情鍾未難忘力挽  
將安勝憶昔點粧初季女抱臨鏡灼灼芙蓉花澹  
與清波映霜風入芳渚瘦綠餘荷柄嬌紅耿在眼  
百喚不一應寂寞空鏡前老眼淚如迸

贈鶯

鄰牆擁高樹深樾陰衡宇山禽十百種晨夕所棲  
處獨愛黃栗留啞婉如稚女笑啼啼又笑宛轉工  
媚嫵佞窺疑欲下轉盼忽驚舉花暗柳陰陰尚記  
兒時語詩家此尤物名字喧樂府天真累繇竹客



服仍楚楚宮額盡負濶黛黑抹金縷恨不掌上看  
毛羽得細教山城無與樂好鳥亦求侶時將貫珠  
來有唱當和汝

讀書山月夕二首

層崖多古木細路深莓苔柴門開曉日雲際青山  
來靜中有真趣孤賞何悠哉  
久旱雨亦好既雨晴亦佳胡床對明月樹影含清  
華墻東有洿池歌枕聽鳴蛙

遺山先生文集卷第二

遺山先生文集卷第三

七言古詩

虞坂行

丙子夏五月將南渡河  
道出虞坂有感而作

虞坂盤盤上青石石上車蹤深一尺當時騏驥知  
奈何千古英雄淚橫臆龍蟠於泥易所歎麟非其  
時聖為泣玄龜竟墮余且網老鳳常飢竹花實天  
生神物似有意驗以珉逢知未必若論美好是不  
祥正使不逢何足惜孫陽騏驥不竝世百萬億中  
時有一乃知此物非不逢轅下一鳴人已識我行  
坂路多闕馬敢謂群空如冀北孫陽已矣誰汝知



努力鹽車莫稱屈

畫馬為邢將軍賦

大宛城下戰骨滿駑駘入漢龍種戲將軍此紙何  
處得便覺房駟無光芒人中馬中兩勅敵天門鴈  
門皆戰場并州父老應相望早晚旌旗上太行

秋蚕

室人篋中無寸縷一箔秋蚕課諸女朝來飼却上  
馬桑隔簇仍聞竹間雨阿容阿璋墨滿面畫徹灰  
城前致語上無蒼蠅下無鼠作蠶直須如瓮許東  
家追昏守機杼有桑有稅吾猶汝官家恰少一絢

絲未到打門先自舉

南溪

南溪酒熟清而醇北溪梅花發興新前年去年花  
下醉今年吟落花應嗔梅花娟娟如靜女寂寞耳  
與荒山隣詩人愛花山亦好幽林穹谷生陽春風  
鬢莢莢一尺雲芳香幽臥如相親山堂夜半北風  
惡一點相思愁殺人

送郝講師住崇福宮

郝平  
晉人

大方之家幾知津郝君七十老斲輪書文五車喙  
三尺劇談混沌今猶神太玄博士為絕倒君言夸



矣天公嗔長安冠蓋羅青雲洛陽車馬爭紅塵恠  
君掉頭不肯住寂寞來作由東隣崧高維岳古所  
秩三十六帝有外臣玄都石壇待颺馭宮殿突兀  
松輪困上界僊人鄧雲山洞天治所名司真蓬萊  
方丈去不遠明星玉女時相親瑤華可擷蘭可紉  
煙霞求隔塵中人黃鵠一去不復返白鷗萬里誰  
能馴爲我殷勤謝鄧君玉華歲晚當平分

范寬秦川圖

張伯玉歿後同  
麻微君知幾域

亂山如馬爭欲前細路起伏蛇蜿涎秦川之圖范  
寬筆來從未家書畫船變化開闔天機全濃澹覆

露清而妍雲興霞蔚幾千里着我如在我嶠巔西  
山盤盤天與連九點盡得齊州煙浮雲未清白日  
晚矯首四顧心茫然全秦天地一大物雷雨瀕洞  
龍頭軒因山分勢合水力眼底廓廓無齊燕我知  
寬也不辨此渠寧有筆如脩椽紫髯落落西溪君  
長劍倚天冠切雲望之見之不可親元龍未除湖  
海氣李白豈是蓬蒿人愛君恨不識君早乃今得

子胥中秦作詩一笑君應聞

予七年前過城伯玉知予  
來而都無賓主意予亦偃蹇

而去爾後雖願交而髯歿矣未嘗不以爲恨也今日子思兄弟出此圖  
求予賦詩酒惡無聊中勉爲賦此畫本米元章家物有韓子蒼題名元  
章以爲中立而元暉以爲中正以予觀之此特  
張髯胥中物耳知者當不以吾言爲過云



赤壁圖

馬蹄一蹴荆門空鼓聲怒與江流東曹瞞老去不  
解事悞認孫郎作阿琮孫郎矯矯人中龍顧盼叱  
咤生雲風疾雷破山出大火旗幟圮捲天為紅至  
今圖畫見赤壁髣髴燒虜留餘蹤令人長憶眉山  
公載酒夜俯馮夷宮事殊興極憂思集天澹雲閑  
今古同得意江山在眼中凡今誰是出群雄可憐  
當日周公謹憔悴黃州一秃翁

寄荅溪南詩老辛愿敬之

五年不喚溪南渡日久心馳洛西路山中今日見

君詩惆悵良辰又相悞龍蛇大澤變風景虎豹天  
門鬱煙霧丈夫不合把鉏犁青鬢無情忽衰素平  
泉漫作窮愁志笠澤休題自憐賦長安正有五侯  
鯖骭誰能作樓護青燈老屋深蓬蒿蝙蝠掠面  
蕩鷄號劔歌夜半激悲壯松風萬壑翻雲濤區區  
墓上曹征西我知慚媿王東臯人生只有一杯酒  
螟蛉螺贏安能豪

西園

興定庚辰  
八月中作

西園老樹搖清秋畫船載酒芳華遊登山臨水祛  
煩憂物色無端生暮愁百年此地旃車發易水迢



迢鴈行沒梁門回望繡成堆滿面黃沙哭燕月熒  
熒一炬殊可憐膏血再變為灰煙富貴已經春夢  
後典刑猶見靖康前當時三山初奏功三山宮闕  
雲錦重壁月瓊枝春色裏畫欄桂樹雨聲中秋山  
秋水今猶昔漠漠荒煙送斜日銅人携出露繁來  
人生無情淚沾臆麗川亭上看年芳更為清歌盡  
此觴千古是非同一笑不須作賦擬阿房

愚軒為趙宜之賦

心生心化誰搏控舉世悵悵皆大夢百年只辦作  
朝三爭識群狙先汝弄人人具此清淨眼妄醫無

根嗟自種天機嗜欲涇渭雜道念紛華鄒魯闕令  
人却澹愚軒愚一蹴藩籬開廓空去聲愚軒虛室久

生白掌上精真元自洞氣從神火俱長物豈有古  
方傳魯采人言此眼本無負死恨冥行人所共智  
愚何預阿堵中或者桔槔賢抱瓮病瘖能指跛能  
履眉睫雖存寧復動我云俗士蔽一曲全笑不全  
從古衆渠儂六鑿日相攘內不錙銖徒外重守宮  
緣壁夸覆射懸虱如輪規命中天和一洩不知止  
膏自焚良可痛從教目比方相多纒與瞽師論  
伯仲先生真是有道者老境一愚聊自送五官止



廢而神行就令有眼將無用寄謝諸方五味禪葛  
藤莫作金鏡頌

雙峯競秀圖為叅政楊侍郎賦

江烟霏霏雲拂石山木蕭蕭山鬼泣江岸人家失  
南北兩峯突兀何許來元氣淋漓洗秋碧畫家晴  
景費經營共愛移山入杏冥安得北風吹雨去倚  
天長劍看崢嶸

西窓

西窓鳥聲千種好樹陰離離動微風青山滿前掩  
書坐欲話懷抱無人同花枝不笑緣髮改尊酒自

與黃金空少年樂事物忽消歇落日澹澹天無窮

二十五日鶴

九龍崗上玄元祠人言尊像神所遺年年二月降  
靈鶴來無定教有定期城頭曉露生新警萬首望  
穿雲際影不知濁世誰下臨只許霜毛見脩整石  
壇花落松風冷戛然長鳴人語定百年鷺老誇見  
聞萬里黃冠赴靈應只從游騎突重圍城郭併與  
人民非可憐陟殿荒墟裏無復當年丁令威

聞欽叔在華下

翰林僊人詩酒豪平生誓阮參遊遨山中草棘滿



霜雪可惜渠家宮錦袍聞君忍飢讀離騷思之不  
見心為勞舉頭西望忽大笑太華落落長庚高

閻商卿還山中

阿卿去月從我來今日西山成獨往野人不是城  
中物澗飲巖棲夢餘想翰林濕新爆竹聲待詔履  
穿沾雪行蘭臺從事更閑冷文書如山白髮生孤  
燈靜照寒窓宿北風夜半歌黃鵠田家閉門風雪  
深梅花開時酒應熟半世虛名不療貧棲遲零落  
百酸辛憑君莫向山中說白石清泉笑殺人

女儿山避兵送李長源歸關中

山骨稜稜雪花白北風不貸單衣容與君此別欲  
何言若箇男兒不湮阨相濡相啣尚可活轢釜何  
曾厭求索徒知鮫鱷無隱鱗芥視三山需一擘自  
古飢腸出奇策漢廷諸公必動色見君軒蓋長安陌

雪後招隣舍王贊子襄飲

去年春旱百日強小麥半熟雨作霜青山無情不  
留客單衣北風官路長遺山山人伎倆拙食貧口  
衆留他鄉五車載書不堪煮兩都覓官自取忙無  
端學術與時背如瞽失相徒倭倭今年得田昆水  
陽積年勞苦似欲償隣墻有竹山更好下田宜林



稍亦良已開長塼掩烏芋稍學老圃分紅薑采公  
能詩雅好客勸我移家來水旁一閑入手豈易得  
夢中我馬猶玄黃君不見并州少年作軒昂鷄鳴  
起舞望八荒夜如何其夜未央賣刀買犢未厭早  
腰金騎鶴非所望河南冬來已三白土膏墳起如  
蜂房崧山東頭玉旆出父老知是豐年祥南溪酒  
熟梅花香高聲為喚墻東王便當過我取一醉聽  
歌長安金鳳凰

鄰舍宋可字之隱君子也并州少年謂李汾長源長安金鳳凰者齊梁間田舍兒所歌

半山亭招仲梁飲

孤城鬱鬱山四周外人乍到如纍囚半山亭前浙

江水只可與君消百憂江山百年有此客雲樹六  
月生涼秋世上紅塵爭白日一丘一壑去來休

鄧州城樓

鄧州城下湍音專水流鄧州城隅多古丘隆中布衣  
不復見浮雲西北空悠悠長鯨駕空海波立老鶴  
叫月蒼煙愁自古江山感游子今人誰解賦登樓

宛丘嘆

秦陽陂頭人迹絕荻花茫茫白於雪當年萬家河  
相來畫出牛頭入租帖蒼髯長官錯料事下考大  
笑陽城拙至今三老背腫青死為連懸出膏血君



不見劉君宰葉海內稱饑摩寒拊哀孤惇碑前千  
人萬人泣父老夢見如平生冰霜糾縉渠有策如  
我碌碌當何成荒田滿眼人得耕詔書已後三年  
征早晚林間見鷄犬一犁春雨麥青青  
頭祖迫而逝者餘萬家劉雲卿御史宰葉除逃戶稅二萬斛百姓為之  
立碑頌德賢不肖用心相遠如此李之後十年予為此縣人為連懸所  
困辛卯七月農司檄予按秦陽陂田感而  
賦詩李與劉皆家宛丘故以宛丘嘆命篇

游黃華山

黃華水簾天下絕我初聞之雪溪翁丹霞翠壁高  
歡宮銀河下濯青芙蓉昨朝一游亦偶爾更覺墓  
鴈難為功是時氣節已三月山木赤立無春容湍

聲洶洶轉絕壑雪氣凜凜隨陰風懸流千丈忽當  
眼芥蒂一洗平生胃雷公怒擊散飛雹日脚倒射  
垂長虹驪珠百斛供一瀉海巖翻倒愁龍公輕羽  
圓轉不相礙變見融結誰為雄歸來心魄為動蕩  
曉夢月落春山空手中仙人九節杖每恨勝景不  
得窮携壺重來岩下宿道人已約山櫻紅

巨然松吟萬壑圖

胷中刺鯁無九澤畫裏風煙統一漚阿師定有維  
摩手斷取江山着筆頭石林蒼蒼崖寺古銀河浩  
浩松聲秋方外賞音誰具眼莫將輕比李營丘



密公寶章小集

天東長自大寶幢天河發源導三江有木蔽映山  
朝陽云誰巢者雛鳳凰雲間吐氣日五色百鳥不  
敢言文章名都盤盤魏大梁黃金甲第羅康莊王  
冢書絕畫亦絕欲與中秘論低昂密公書院無絲  
簧窓明儿絮凝幽香元光以後門鑰廢文士稍得  
連壺觴客來喜色浮清揚典衣置酒餘空箱生平  
俊氣不易降眼中俗物都茫茫淵明素琴稽阮酒  
妙意所寄誰能量在昔武元握乾綱扶桑爲弓射  
八荒獵取大國如驅羊

取一作兩

民風朴魯資贄疆文洽

未及武尅剛興陵之孫越王子天以人瑞歸明昌  
十三執經侍帝傍十八健筆陵阿房撐腸文字五  
千卷靈臺架構森鋪張高陽苗裔襲衆芳胡不置  
之貢玉堂袖中正有活國手地下纔得脩文郎悲  
風蕭蕭吹白楊丘山零落可憐傷承平故態耿猶  
在拂拭寶墨生輝光恰似如庵連榻坐一甌春露

澹相忘

明昌寶玩群玉中秘內府圖書印也越郎有柳公權紫絲鞋

歐率更海上楊疑式乞花等怕然獨推元章筆他爲古今絕  
筆宋畫譜山水以李成爲第一國朝張太師浩然王內翰子端奉旨品  
第畫畫謂成筆意繁碎有畫史氣象次之荆關范許之下密公識賞超  
詣亦以此論爲公郭乾暉雅棘公以爲當在太古無上唐以來諸人筆  
虛筆實皆非其此故予詩及之樛軒公自號也又所居有如庵詩集號  
如庵小葉越王諸子惟樛軒貧甚典衣酒之句蓋實錄云甲午三月二  
十有一日爲輔之書于聊城至覺寺之寓居



荆棘中杏花

墻東荒蹊抱村斜荆棘狼藉盤根芽何年丹杏此  
留種小紅濺爭春華野人慣見謾不省獨有詩濺  
客來咨嗟天真不到鈿粉筆富艷自是宮闈花曲  
池芳逕非宿昔蒼苔濁酒同天涯京師惜花如惜  
玉曉檐賣徹東西家杏花看紅不看白十日忙殺  
遊春車誰家園亭有此樹鄭重已着重帟遮阿嬌  
新寵貯金屋明妃遠嫁愁清笳落花縈簾拂床席  
亦有飄泊沾泥沙天公無心物自物得意未用相  
陵誇黃昏人歸花不語唯有落月啼栖鴉

太白獨酌圖

宣和所藏  
李伯時筆

謫仙去世三百年海中鯨魚渺翩翩豈知龍眠天  
馬筆忽有玉樹秋風前金鑿歸來身散僊世事悠  
悠白髮邊會稽賀老何處在千里名山入酒船清  
景已隨詩句盡風流合向畫圖傳往時長安酒家  
眼焦遂不狂張不顛想得三更風露下醉和江月  
弄江煙

松上幽人圖

宋宗婦曹夫人仲婉所  
畫上有曹道仲題詩

秋風謾謾松樹枝仙人骨輕雲一絲不飲不食玉  
雪姿竹宮月夕頻望祠竟不下視齋房芝人間女



手乃得之眼中擾擾昨暮兒畫圖獨在羲皇時  
手懷渺兮幽林思

送張君美往南中

南朝辭臣北朝客棲遲零落無顏色陽平城邊握  
君手不似銅駝洛陽陌去年春風吹雁迴今年鴈  
逐秋風來春風秋風鴈聲裏行人日暮心悠哉長  
江大浪金山下吳兒舟舩疾於馬西湖十月賞風  
煙想得新詩更瀟灑

戲題新居二十韻

去冬作舍誰資助縣侯雅以平原故賢郎檢視日

復日規制從頭盡牢固南風一夕怪事發突兀楮  
垣殘半柱乞漿得酒過初望曲突徙薪忘後慮長  
淮千里燕巢林明月一枝烏遠樹東家老屋西北  
走衆木技撐留少住由來馬隊非講肄况與亂牢  
通過路聚廬託處何暇擇重爲主人推漿悞夏秋  
之交十日陰抱被倚門愁且暮君問新居在何許  
只去火餘纔數步學宮分地與閑冷使館有牆遮  
雜汙就中此宅尤費手官給工材半傭顧十寒一  
暴丰載強纔得安床置鎗釜紛紛暗被兒女笑老  
虎般彪今幾度曾中廣厦千萬間天地一身無着



處北來衣冠日枯槁十九桃符傍門戶乾坤血肉  
得此身剩有把茅能勿懼上方下比良易見好惡  
且當隨所遇仰看片瓦聊自賀疾過岩墻寧反顧  
合歡明日召諸隣狼籍盃盤從飽吐

贈蕭鍊師公弼

吾家阿京愛公弼吾家澤兄敬公弼半生夢與公  
弼游豈意相逢在今日春風和氣在眉宇玉壺冰  
鑑截胷臆人間萬事君自知未必君材人盡識  
門水木無纖埃聞君家道公和臺仙家近日多官  
府黃帽青鞋歸去來

時太佛老家  
甚急故云

送弋唐佐董彥寬南歸

且為潞府  
諸公一笑

河汾續經名自重附會人嫌迫周孔史臣補傳久  
已出浮議至今猶洶洶薛收文志誰所傳貴甚竹  
書開汲冢沁州破後石故在為礎為砭吾亦恐暑  
涂十日來一觀面色為顰足為腫淡公淡癖何所  
笑但笑弋卿堅又勇自言浪走固無益遠勝閉門  
親細冗摩挲石刻喜不勝忘却崎嶇在岡隴潞人  
本淡新有社淡事重重非一種有人六月訪琴材  
不為留難仍從吏縣如蠟本入渠午四座色揚神  
為竦他時記籍社中人流外更須增一董



蕭仲植長史齋脩武作

張顛飲豪傾四座脫帽狂呼誰敢和南宗北宗知  
幾人醉眼紛紛飛鳥過是公技進不名技元氣淋  
漓隨咳唾偶然捉筆本無意自有龍騫并虎卧當  
時誰有戰國策長史怡云借戰國策可付之凡七字門外雷車忽驚墮天  
星無數不知名色正芒寒纔七箇蕭郎家世陵谷  
後爭信空囊蓄竒貨蕭齋故事今復舉未怕秋風  
吹屋破護持有物世共喜不獨一時為子賀歲舟  
夜壑未厭深隄備有人來倚拖

送宋省叅并寄潞府諸人

茅齋團團蝸殼大苦被傍人嘲塞破官豪眼孔十  
萬緡未與書生供一唾長衫只辦包瘦骨故紙何  
緣變竒貨不因三致大耳兒老雪屯門并凍卧國  
中腐鼠凡幾嚇玉上青蠅非一箇荆人美璞剛之  
招君足幸存仍可賀雲間太行青在眼上客歸來  
傾四座因君寄問社中人前日淡公行復過

覓神霄道士古銅爵

雷章著土紛朱碧秋茵春蒲人不識若非儀狄墓  
中來應自杜康祠下得古人我得酒之傳摸索飲  
器流饒涎巧偷豪奪吾何敢他日酬君九府錢



賦澤人郭唐臣所藏山谷泚石研

研有銘  
云王將

軍爲國開臨泚有司歲餽可會者六百鉅萬  
其於中國得用者此研材也研作壁水樣

舊聞鸚鵡曾化石不數鸛鷄能瑩刀縣官歲費六  
百萬統得此研來臨泚玄雲層寸天下徧壁水直  
上文星高辭翰今誰江夏筆三錢無用試鷄毛

贈休糧張鍊師

金沙霞散風雨疾一點黃金鑄秋橘中林宴坐人  
不知野鹿銜花蜂課蜜富兒盤饌羅羶葷擾擾飛  
蠅復聚蚊見說西山好薇蕨一枝青竹願隨君

天井關

石燈盤盤積如鐵牛領成創馬蹄穴老天與世不  
相闕玄聖栖栖此迴轍二十年前走去大梁當時  
塵土困名場山頭千尺枯松樹又見單車下太行  
自笑道塗頭白了依然直北有羊腸

遺山先生文集卷第三



遺山先生文集卷第四

七言古詩

讀書山雪中

前年望歸歸不得去年中途脚無力殘生何意有  
今年突兀家山墮眼前東家西家百壺酒主人捧  
觴客長壽先生醉袖挽春迴萬落千村滿花柳山  
靈為渠也放顛世界幻入兜羅綿似嫌衣錦太寒  
乞別作玉屑粧山川人言少微照鄉井准備黃雲  
三萬頃何人辦作陳瑩中來與先生共炊餅

陳先生

官後荅京師人書云南州有何  
事今年好雲明年炊餅大耳



題商孟卿家明皇合曲圖

海棠一株春一國燕燕鶯鶯作寒食千古萬古開  
元日三郎搦管仰面吹天公大笑嗔不得寧王天  
人玉不如番綽樂句不可無宮腰不按羽衣譜疾  
舞底用牧豬奴風聲水聲闕清都夢中令人羨華  
胥何時却竝宮牆聽不恨將身作李暮

過晉陽故城書事

惠遠祠前晉溪水翠葉銀花清見底水上西山如  
卧屏鬱鬱蒼蒼三百里中原北門形勢雄想見城  
闕雲煙中望川亭上閱今古但有麥浪搖春風君

不見繫舟山頭龍角禿白塔一摧城覆沒薛王出  
降民不降屋瓦亂飛如箭鏃汾流決入大夏門府  
治移着唐明村只從巨屏失光彩河洛幾度風煙  
昏東闕蒼龍西玉虎金雀觚稜上雲雨不論民居  
與官府仙佛所廬餘百所鬼後天財千萬古爭教  
一炬成焦土至今父老哭向天死恨河南往來苦  
南人鬼巫好機祥萬夫畚鍤開連岡官街十字改  
丁字釘去聲破并州渠亦亡幾時却到承平了重看  
官家築晉陽

蟾池



老墓食月飽役吐天公一日頻年瞽下界新增養  
蟾戶玉斧誰憐脩月苦郡國蟾池知幾所碧玉清  
流水仙府小蟾徐行腹如鼓大蟾張頤怒於虎渠  
家眉間有黃乳膏梁大丁正湏汝何人敢與月復  
讎疾過池頭不容語向來屬私今屬官從今見墓  
當好看肥沙郎上青雲端

贈荅張教授仲文

秋燈搖搖風拂席夜聞嘆聲無處覓疑作金荃怨  
曲攔畹辭元是寒蟬月中泣世間刺繡多絕巧石  
竹殷紅上花碧窮愁入骨死不銷誰與渠儂洗寒

乞東坡曾次丹青國天孫縹絲天女織倒鳳顛鸞  
金粟尺裁斷瓊絹三萬疋幸郎偷發金錦箱飛浸  
海東星斗濕醉中握手一長嗟樂府數來今幾家  
剗借春風染華髮筆頭留着五雲花

言常郎有此例  
長吉亦有此例

七言長詩於  
中獨一句九

高門閨

高門閨頭霜樹老細路千山萬山繞亂餘村落不  
見人霰雪霏霏暗清曉莘川百里如掌平閑田滿  
眼人得耕山中樹斲亦不惡誰遣多田知姓名許  
李申揚竟何得只今唯有石灘聲

許致忠楊湯臣  
申伯勝李仲常



名宦四家隱盧氏時以多田推之亂後俱不知所在矣

甲辰秋洛陽得黃葵子種之南庵明年夏六月作花佛經所謂閻浮檀金明靜柔軟令人愛樂者此花可以當之因為賦長韻予方以病止酒故卒章及之

芳艸泥露嬌黃濕五疊湘裙輕屨積晨粧午醉一日間白白紅紅恁狼籍上陽宮女要頭冠摹寫雖工破的難看來明淨復柔軟花中乃有閻浮檀千里移根洛陽陌主人不飲誰看客乞與金盃自傾側明年為渠當舉白

馬嶺

仙人臺高鶴飛度錦綉堂傾去無路人言馬嶺差可行比似黃榆猶坦步石門木落風颼颼僕夫衣單望南列阜落東南三百里鬢毛衰颯兩年秋亦取黃榆嶺路

雲峽 并序

君璋啓事西涼占對稱旨其還也行臺公以宣和寶石為貺奇秀溫潤信天壤間之尤物君璋因之曰雲峽邀詞客賦詩予亦同作



石盆清冷貯秋水水面蒼煙飛不起一堆寒碧儿  
研間寶氣崢嶸插箕尾中山雪浪空影像長安鸚  
鵡猶紉綺枉着奇章甲乙中槁項統堪把耕耒知不  
天壤此尤物鬼刻神通有幾薰蒸似欲出泉脉  
瑩滑定應凝石髓剥裂雯華漬月秋辛苦詩僊費  
摹擬車箱箭筈連西東仇池百穴牖玲瓏飛墮不  
嫌靈鷲小奇探已覺太湖空故都喬木今如此夢  
想熙春百花裏膏血綱船祐九州亡國愁顏為誰  
洗主人天質粹以温天然與山作知聞退食從容  
北窓臥今古起滅真浮雲仙人王子可賦石淙有  
石裂雯華濱月秋之句

雲巖 并序

觀州倅武伯萊崢縣人少日舉進士有  
詩名其賦剪燭刀有啼殘瘦玉蘭心吐  
蹴落春紅燕尾香之句甚為時輩所稱  
家故饒財第宅園亭為河東之冠貯書  
有萬卷樓嘉花珍果悉自他州移植為  
人多伎巧山水雜畫斲琴和墨皆極其  
工嘗得宣和湖石一窾竅穿漏殆若神  
剗鬼鑿炷香其下則煙氣四起散布槃  
水上濃澹霏拂有煙江疊嶂之韻吾鄉



衣冠家法書名畫及藏書之多亦有伯  
英相上下者伯英獨特寶石以擅竒汾  
晉間耳與定未伯英歿於閔中揚戶部  
叔玉購石得之壬辰圍城中以示予且  
命作詩危急存亡之際不暇及也乙巳  
冬十一月來東平過聖與張君之新軒  
而此石在焉聖與名之曰雲巖予問石  
所從來聖與言夏津王師得之汴梁泥  
塗中而以見貽予因歎一物之微經歷  
世變遷徙南北乃復為好事者之所寶

玩似不偶然乃為詩道其故聖與三世  
相家以文章名海內其才情風調不減  
前世賀東山晏叔原故卒章以蕭閑明  
秀峰故事屬之

壺中九華玉孿顏紫煙着水往復還小窓虛明澹  
相對不教漢宮銅博山會稽禹穴深無底寶石偷  
來定山鬼一堆寒碧殊不凡滿谷春雲更堪喜阿  
欣秀發見眉宇小杜才情淪骨髓摩挲不作儿上  
看繚白紵青便千里渾沌日鑿餘空巖漏天蒸濕  
饒風嵐世外元無種杏國海南真有補陀巖觀列



愛玩頻湔被民部平生幾薰沐歲舟夜慙未厭深  
竟作新軒坐中物一天星月入金尊翠射牌婷自  
有人只欠宣和鄭先覺爲君留寫五湖真

劉遠筆

老貌力能舉玉杵文陣挽強猶百鈞惜哉變化太  
狡獪嚮也褐衣今虎文宣城諸葛寂無聞前後兩  
劉新冊勲謝郎神鋒恨太雋雖然豈不超人群三  
錢鷄毛吐皇墳尖奴定能張吾軍何時酌我百壺  
酒爲汝醉草岳天雲

狡獪變化事  
見麻姑傳

贈周良老

于公斷獄多平反高門大車在乃孫我居聊城欲  
二載喜見周叟醇而温十年大理書上考宜有陽  
報如于門大兒書來問安否兵饑不死天所存鄭  
孫毛骨殊秀發寶氣鬱鬱含朝暎機聲嘔啞聒朝  
昏種瓠五石當酒尊是翁福祿知未艾昆弟和樂  
連株根白髮阿兄應念我南雲寂寞賦招魂

鴻溝全欽叔賦

劉郎著手乾坤了未害與渠分九州夸兒衣綉自  
楚楚作計豈復西鴻溝雌雄自次已無策尺寸必  
爭唯上流韞生已死言猶在千載令人笑沐猴



雪中自洛陽還嵩山

道人薄有塵外緣，迫入塵埃私自憐。  
三十六峯一茅屋，夢裏西家掠社錢。  
津津喜色見眉宇，我我青城當眼前。  
蹇驢徑入風煙去，恰是梅花欲雪天。

祖唐臣愚庵

小智眩篋盜所羞，大智移國鬼與讎。  
浮生匹緇兩孟粥，心計擾擾知何求。  
青州荊州鬼三窟，古人今人貉一丘。  
喚起羅池柳夫子，與君同醉訾家洲。

過井陘

北山亭亭如驛埃，南山耽耽虎翹首。  
土門東頭望

井陘漢家風雲自奔走，市人豈識英雄材。  
金鼓一朝天上來，此山行人萬萬古。  
幾不磨滅隨蒿萊，白鹿祠前一杯水。  
蒼顏聊為洗塵埃。

北岳

太茂維嶽古帝孫，大朴未散真巧存。  
乾坤自有靈境在，地位豈合他山尊。  
中原旌旗白日暗，上階樓觀蒼煙屯。  
誰能借我兩黃鵠，長袖一拂玄都門。

天涯山

九州上游推大鹵，獨恨山形頗推魯。  
天涯一峯今日看，快似昂頭出環堵。  
何年氣母此融結，鬼鑿神



鏡未奇古八窓玲瓏透朝日洞穴慘澹藏雷雨苔  
花錦石粲可喜乞與雲烟相媚嫵半空擲下金芙蓉  
想得飛來自玄圃傳聞絕頂更靈異云是清都  
群玉府五雲飛步吾未能風袂泠泠已輕舉東列  
死愛華不注向在陋邦何足教敬亭不着謝宣城  
斷岸何緣此天姥酒舫何時朝復暮倒卷滄沱流  
塵土喚起山靈推石鼓漢女湘妃出歌舞詩狂他  
日笑遺山飯顆不妨嘲杜甫

山川石鼓神祠

智仲可月下彈琴圖

莫春舞雩鼓瑟希琴語解吐胃中奇誰言手揮七

絃易大笑虎頭真絕疾北風瀟蕭路何永流波湯  
湯君自知三尺絲桐儘堪老兒童休訝鶴書遲

常山妖生四十月能擲管作字筆意開

廟有成人之量喜爲賦詩使浴誦之

大兒小兒舞商羊東家西家捉迷藏牙牙作群鴈  
鴈行是中乃有常山即常山嶠嶠可憐虫四歲未  
有三歲強黑鷹破殼自神駿黃犢放脚須跳梁只  
知見絃即塗抹誰謂轉腕能低昂渠家兩公破天  
荒劉輝夢靈果專場榮鄉亭中詩版在岐山名字  
香山香此即晚出西樞房虎穴虎子不可當天驚



地怪見落筆便合抱送中書堂文星煌煌照燕南  
青青子衿滿恒陽教官連被鳳尾諾瑞物多生金  
粟岡兒曹變化不作難何必二十始乖張明年作  
字一丈大當有稜角岳光芒迴頭却看元叔綱鼻  
涕過口尺許長常山白寓齊第三子叔綱遺山之季子也  
贈利州侯神童生二十四月識字予見時生二十一月識字無筭  
牙牙點粧杏蕾紅阿兄抱之來學宮今春學語語  
未正已能見書識姓名隨指隨讀無教重多生想  
曾文字中極知之無不尺訝更恐洛誦難為功土  
中松粒龍氏脫萬牛丘山起豪末君不見黃金寶

鼎翡翠青未要春官許衣鉢人聞失却麻神童明  
星煌煌出蒼龍只知江陵圖籍盡一火誰謂死草  
生華風遺山老子未老在見汝吐焰如長虹兒字金鼎

奚官牧馬圖息軒畫

曹韓畫樣出中秘燕市死骨空千金息軒筆底真  
龍出凡馬一空無古今安閑自與人意熟蕭洒更  
覺天機深奚官有知應解笑世無坡仙誰賞音

紫微劉文山水為濟川賦

畫家李范真勅敵方外只今誰第一自非劉宗祭  
酒阜昌孫未信僊翁輕落筆長洲遠浦各清冷萬



頃風煙一草亭千章古木散巖谷鶴髮松姿餘典  
刑紙尾不須題姓字人人知是老人星

王右丞雪霽捕魚圖

江雲滉滉陰晴半沙雪離離點江岫畫中不信有  
天機細向樹林枯處看漁浦移家媿未能扁舟蕭  
散亦何曾白頭歲月黃塵底笑殺高人王右丞

跋酒門限邵和卿醉歸圖邵伯祿之父

邵翁頭白甫三十高吟大醉無虛日風流若似靖  
南湖每恨聞名不相識太平村落自由身童稚扶  
携意更真醉歸圖上見顏色喜溢眉宇猶津津好

着蹇驢馱我去與君同醉杏園春

題張彥寶陵川西溪圖

松林蕭蕭映靈宇爍石流金不知暑太平散人江  
表來自訝清涼造仙府不到西溪四十年溪光林  
影想依然當時膝上王文度五字詩成衆口傳忽  
見畫圖疑是夢而今塵土浣華顛

本送字今改作浣  
字陵川在大行之  
巔蓋天壤間清涼境界也江淮太平散人題詩東廟自  
已造仙府居民不知其樂耳此縣先君子舊治宴游  
西溪僕以童子侍焉彥寶出此圖求賦詩感今懷  
昔爲之愴然故篇中有及癸丑十一月三日題

汝州倅韓君德華其十祖二世相遼封

魯公故名其伯男子曰魯王父命氏古



蓋有之予過其家命魯出拜謂予言魯  
名矣而未有字敢以爲請予字之世公  
德華曰願終教之乃申之以辭

昌黎諸韓散盧龍魯公相遼開邑封鴈行先後六  
侍中夫參高文紀神功龜石穹窿與天終百年故  
家餘素風汝州有子今成童攷古制名龜筮從貴  
以道義飭汝躬良璞不治凡石同貞而絕俗孰子  
容濟質以文介而通願雖泉起其起宗魯也不慚  
袁氏公

壬子冬至新軒張兄聖與求爲兒子阿

平制名予名之曰琬以仲耽字之小字  
明後有善禱之義焉詩不工當令阿耽  
灑落誦之

阿平玉雪絕可憐皎如鶴雛下青田呼來拜客挽  
不前啼聲如門過秦篇陳王人門漢常賢新軒文  
筆尤翩翩大昭掛壁誰使然我知一經會有傳玄  
黠之冬容湏城問平之年纔五齡迺公爲兒求制  
名兒名從虎玉與并仲耽爲字以字行佛書舊說  
無空青豈知空青今有形紫公紫公還我明看見  
着脚青雲平



世宗御書田不伐望月婆羅門引先得  
楚字韻

瑤光樓前按歌舞桂樹秋香月三五白頭誰解記  
開元四海歡聲沸簫鼓兩都秋色皆喬木三月阿  
房已焦土天上亦有別離情可是田郎心獨苦承  
平舊物霓裳譜寶氣暉暉映千古銀橋望極竟不  
歸滅沒燕鴻下平楚

送崔夢臣北上

子貞抱閔買臣負新朝奏暮召名動縉  
紳此有志之士所以自奮於昌辰者耶

夢臣崔卿玉樹清姿土門華胄成童授  
學與雞俱興肆筆成書倚馬可待雖沙  
水之洋洋堪樂舜門之穆穆方開惜歲  
月之虛指欲雲霄之坐致遇順風而縱  
大壑其孰禦之登金馬而上玉堂在此  
行矣詩以勸駕序寧闕乎癸丑二月望  
日新興元某序

并州書郎年少容細馬金鞭日三百生平意氣凌  
青雲未怕天山雪花白西園此日盛徐陳鳳閣鸞  
臺氣象新由來草創資潤色况彼天造須經綸他



日南歸吾未老與君同醉晉溪春

送王彥華

中朝名勝龍山異喜色門闌得佳婿一朝天府効  
驅馳萬里青雲在平地金粟岡頭俊造多莫從人  
品問如何迂齋受學青衿日殷重遺山爲拊摩東  
國人倫吾豈敢只憑月且決巍科

李成之王彥華趙孝先以提學命見餉

佳酒且求制名輒以詩記

子雲寂寞將誰親延之麤豪意自真君家公婿兩  
冰玉酒味自合清而醇雲腴俗士無風神紅珠女

兒茜裙新一杯香絕韻亦絕只今唯有醪醖春

劉時舉節制雲南

雲南山高去天尺漢家弦聲雷破壁九州之外更  
九州海色澄清映南極幽并豪俠熹功名咄嗟願  
盼風雲生今年肘後印如斗過眼已覺烏蠻平論  
蜀相如今老矣不妨銅柱有新名

贈張潤之

許年不唱龍津笳人物尤難到衰世明堂他日要  
梗楠造物也須論蚤計晉人稟賦例真淳兒能讀  
書知養親遺山門客富儒雅綠髮張郎名姓新莫



道琴工有師法海山深絕解移人潤之資甚美故

勉之他日學業有成老夫當以風鑒自負矣

許道寧寒溪古木圖

道人醉袖蟠蛟龍掃出古木牙須雄開卷飄飄來  
陰風翟卿論畫凡馬空能知畫與詩同泉解衣盤  
礴非衆工遺山筆頭有關全意匠已在風雲中留  
待他日不忽忽

送張書記子益從嚴相北上

并序

子益省郎觀國之光從公于邁揚雄詞賦良借力於吹噓鄧禹功名本無心於

祿仕詩以送別亦以趣其歸云

故家人物饒竒俊聳壑昂霄今已信康侯畫接拜  
寵光百里自應沿海潤六月貂裘風雪深天河天  
駟日駸駸莫把聲華動臺閣東方書檄要陳琳

贈別孫德謙

津橋垂楊雪花白挽斷春衫苦留客西湖一雨春  
意濃絕似銅駝洛陽陌湖亭裏醉卧春風到千金  
盃不放空鵲山一帶傷心碧羨殺孫郎馬首東

汾亭古意圖

堯民羲皇去未遠日作日息天機全杜侯袖裏拈



汾筆辨與南華談，  
冑然廢興知經幾。  
今昔淳朴別

有一山川白雲亭，  
上秋風客不比僂翁。  
用子年元裕

以來郭熙明昌泰和間張公佐皆年過八十而以山水擅名今雲中杜大華老與張郭年相若而畫品不下古人為侯廣道作汾亭古意橫披灑然有塵外意為題四韻其後神仙張果生帝堯甲子年詩冑亦傳習用之故末句有及

太原贈張彥遠

并州城邊十月末，  
清霜稜稜風入骨。  
因君夜話吳

江春酒光瀲灩，  
金杯滑閑閑騎鯨去。  
滅沒當年愛

君俊於鶴，  
平生我亦識翁人。  
惆悵流年如電抹，  
官

家新築文昌臺，  
蒼生不憂墮巔崖。  
眼者東閣奇士

滿如君，  
豈得藏蒿萊。  
晨鷄未鳴子當發，  
明星煌煌

大於月野夫，  
一笑冠纓絕

換得雲臺帖喜而賦詩

周官武臣奉朝請，  
劔佩束縛非天真。  
世間曾有華

陀帖神物已化，  
延平津朱狂雄筆。  
照萬古此泉華

書統九人今日雲臺見，  
遺墨黃金牢鎖玉麒麟

鹿泉新居二十四韻

土門西邊井陘渡，  
野日荒荒下汀樹。  
榆關石嶺都

幾程客夢徃徃，  
迷歸路塵埃風雨。  
半生過儘着筋

骸支世故寧州，  
假館又兩年未保東來。  
不西去山

城百家家有山，  
覲面呈山誰一顧。  
賣書買得呂氏



園不謂全山舉相付北崖老作土灰色擁腫形橫  
一夸父娟娟正有小娥峭却立不容親杖屨就中  
抱犢尤峭拔望見韓山即攀附韓王砦頭四望闊  
全趙未如統教聚眼中麾蓋天上來泚水鼓旗紛  
偃仆漢家威靈萬萬古石子連岡猶虎距夏秋衆  
壑會鹿泉浩浩湍聲瀉餘怒西南諸峯不知數蕩  
海鯤鱷尻背露霏煙空翠有無中百態陰晴變朝  
暮靈巖龍泉曾一到獨欠封龍展衰步學僊不愛  
徐童花李相書龕心所慕生平懷抱向山盡老氣  
崔嵬如有助巖居枯寂朝市喧喧寂兩間差有趣

得行固願留不惡流坎且當隨所遇何曾萬錢何  
用許方丈有山容下筋管城初無食肉相黃帽非  
供折腰具明年高築野史亭天已安排看山處多  
慙不及謝宣城標出敬亭天一柱一本尚慙不及  
亭天一柱在方丈  
有山容下筋之下  
謝宣城標出敬

過劉子中新居

鄆州城隅兩茅屋市聲喧喧自幽獨春風吹盡山  
杏花只有青青一叢竹先生愛畫如惜玉練鵲翔  
鸞餘百軸大兒跟蹤挾書歸土銚疎烟統一粥微  
官枉負半生閑也着區區簿領間何時却與溪南



老紫蓋山前共往還

子中舊與溪南詩老  
卒敬之游故有下句

遺山先生文集卷第四

